



Le resultat pro le prüm derby vëgn determiné söl tert dl secundo tēmp, a vantaje dl Acd Val Badia.

Tl rode C de terza categoria él te chësta sajun bëgn trëi scuaadres ladines che se fej concorënza, do che le Mareo á metü sö na secunda squadra che tol pert a chësc campionat.

Insciö pó i ladins se afronté bëgn dui iadi d'altonn y l'ultim fin dl'edema era tocada al La Val cuntra la formaziun dl Acd Val Badia. Soghé él gnü a La Val mo por i padruns de ciasa ne ara

nia buté, chisc é gnüs castigá ti ultims menüc cun en gol de Graffonara.

Les formaziuns se stüdia jö ti prüms menüc de jüch, impormó al 10[^] rōia na crossada dl La Val amez por Philip che controlēia a dovēi le curan mo tira mal y sura porta fora. Le medemo se delibrēia pūch do sōn le ciantun de area y fej pié i a na trata a giré cuntra l'incrujiada de porta aversara, le portier René é asvelt y archita sō le palé. Le nervosism se fej sintí tles giames di sogadus, tröc é i palés sogá mal, massa cōrc o massa lunc y insciö gareta ince ma pūces ocajiuns da gol.

Do la palsa se müda le ritm y les formaziuns ó sblochē le resultat. Al 60[^] crossēia Alex. M. da La Val amez por Franz che rebat de ce a pūc metri le palé cuntra porta: le portier René é a dert post por desfanté le curan al'ultim mumēt cun na gran parada. Ince la Val Badia costruēsc val aziun mo che ne é plö d'intant nia prigoroses. Impormó al 78[^] davagna i aversars na puniziun dai 25 metri: la crossada rōia amez area daulache le palé rebatü dala defenjiun vëgn anuzé a dovēi da Graffonara che tira sēch dlungia le pé de porta ite. Le resultat é insciö sblochē y a vantaje dla Val Badia.

I padruns de ciasa pro da se alzé y rōia da na pert ite te area a tra, le portier é bun de paré la trata mo le curan ti sciampa cūrt fora dles mans; tl mumēt che al pro de se tigní danü le palé rōia en sogadú da La Val amesa ite y vëgn tigní tles giames tuman a tera. Sot i scrai dl publich y di sogadús de ciasa fej l'arbiter cun convinziun jí inant le jüch: al ne é nia en fal da ònescmetri dijel. Ti ultims menüc cialc dla partida ne garetel nia tröp y i aversars dla Val Badia pó trá le scrai de ligrēza y se mēt ia i trēi punc te gaiofa.

La Val - Val Badia 0-1

Formaziun La Val: 1. Sepl Kantioler, 2. Simon Campeï, 3. Max Nagler, 4. Martin Menazzi Marcelo, 5. Paolo Vallazza, 6. Christian Terza, 7. Philip Moling, 8. Stefan Sottara - capitan, 9. Alex Miribung, 10. Franz Tolpeit, 11. Felix Nagler

Formaziun Val Badia: 1. Renè Ferdigg, 2. Florian Barbolini (dal 68^a Alexander Ploner), 3. Matteo Ploner, 4. Armin Piazza, 5. Max Videsott, 6. Simon Graffonara, 7. Luca Pizzinini, 8. Fabian Clara, 9. David Pizzinini, 10. Joel Unterweger, 11. Marc Mayr

Alenadù La Val: Klaus Gräber

Alenadù Val Badia: Hanspeter Graffonara

Proscima partida: La Val süga duman sabeda dales 16:00 a Wiesen cuntra la squadra de ciasa. La Val Badia süga deperpo le medemo de te ciasa dales 15:30 cuntra le Sterzing.

Atri resultac:

Altherren (La Val) = Milland – La Val 1-1

U-15 (La Val - Mareo) = La Val – Team 4 2-3

Giovanissimi (Mareo/La Val) = Mareo - Gitschberg 0-10

U-12 (La Val) = Obopuschtra Tiger – La Val 3-3

U-11 (La Val) = Olang – La Val 0-1